

ВЛКСМ-н Централън Комитетд

«КПСС-н ЦК-н июньск Пленумин» «Эрки биш орулдж өгдг тавциг болн МТС-н көдлмшин төлә натуроплат өгдгиг уурулхин тускар, селәнә эдл-ахун хот-хол белдлгәнә шин диг-дарана, үнин болн условийин тускар» гаргъсн тогтаврла ирлцүлдж комсомольск организацсин кех көдлмшин тускар» гисн тогтавр ВЛКСМ-н ЦК авб.

КПСС-н ЦК-н июньск Пленумин «Эрки биш орулдж өгдг тавциг болн МТС-н көдлмшин төлә натуроплат өгдгиг уурулхин тускар, селәнә эдл-ахун хот-хол белдлгәнә шин диг-дарана, үнин болн условийин тускар» гаргъсн тогтавриг болн Пленумд эн төрәр үр Н. С. Хрущевин кесн докладиг комсомольцирт болн багъчудт күргдж өргәр цәәлгъдж өгәд, партин эн темдгдлжәх үүлдврин чинринь багъ наста көвүд болн күүкд болгънд гүүнәр медүлтхә гидж ВЛКСМ-н ЦК эклц комсомольск организацст, райкомст, горкомст, обкомст, крайкомст болн союзн республиксин ЛКСМ-н ЦК-т даалгъв.

ВЛКСМ-н ЦК-н июньск Пленумин

материалиг даслгъар звеност, бригадст, фермст, колхозмудин, совхозмудин кеерин хошт, МТС-т, РТС-т болн белдлгәнә организацсд комсомольцирла болн багъчудла умшлгъ болн күүндвр кехми, бас тер мет комсомольск хург хурадж, КПСС-н ЦК-н июньск Пленумин шиндврмүдлә ирлцдж комсомольск организацсин өмн гарчах төрмүдәр күр-күүндвр кегъад, комсомольск организац болгъна күцәх тодрха кергинь йилгъдж темдглхми гидж ВЛКСМ-н ЦК комсомольск организацсд заав.

Колхозмудин, совхозмудин, РТС-н, МТС-н комсомольск организацсин, цуг комсомольцирин болн селәнә багъчудин күчн-чидлинь авдг цуг болн гүүлгәнд ордг продукц гаргългъиг икәр элвгджүлхин, продукцин то болгънд гаргъдг күч-көлсиг болн нань чиги гаруг багърулхин төлә ноолдлгънд, тусхахми. Ургъц хурадж авлгънд, комбайнс, трактормуд болн ургъц хуралгъна болн буудя цеврлгәнә нань чиги машид болн хагсалгъна техник яслгъиг дууслгънд, площадк, навес, складс тосх-

лгънд болн яслгънд, бас тер мет хаалгъ, тагт тосхлгънд болн яслгънд, шунмгъа кевәр орлцх кергтә.

Эрдни-шишә тәрдж гаргъдж авлгъиг комсомольск шүүврт авад, эн культурин тәрәнд болзлань сән асрмдж теткәд, эднд эзн уга болдг йовдл гаргълго, комсомольск-багъчудин звеносиг болн комплексн агрегатсиг сүл күртлнь бәәлгъад, ВЛКСМ-н XIII-ч хургин, 1958 джилд багъчудин звеносин цуг газраснь эрдни-шишән ногъан ургъциг гектар болгънас 400 центнерәс багъ бишәр авхми гидж гаргъсн шиндвриг күцәхин төлә цуг чидл-күчән тәвхми гидж ВЛКСМ-н ЦК комсомольск организацсд даалгъв. КПСС-н ЦК-н июньск Пленумин шиндвриг диилвртәгъәр күцәхин төлә ноолдлгънд шунмгъа кевәр орлцад, терүнәннь ашд колхозн тосхлитиг цааранднь делгәрүлдж батлхд болн мана орн-нутгин күч-көлсчирин джиргъл-бәәдлинь ясрулхд эврәннь тоомсрта демән орлцултн гидж ВЛКСМ-н ЦК цуг комсомольцириг болн селәнә багъчудиг дуудв.